



## Acerca de este libro

Esta es una copia digital de un libro que, durante generaciones, se ha conservado en las estanterías de una biblioteca, hasta que Google ha decidido escanearlo como parte de un proyecto que pretende que sea posible descubrir en línea libros de todo el mundo.

Ha sobrevivido tantos años como para que los derechos de autor hayan expirado y el libro pase a ser de dominio público. El que un libro sea de dominio público significa que nunca ha estado protegido por derechos de autor, o bien que el período legal de estos derechos ya ha expirado. Es posible que una misma obra sea de dominio público en unos países y, sin embargo, no lo sea en otros. Los libros de dominio público son nuestras puertas hacia el pasado, suponen un patrimonio histórico, cultural y de conocimientos que, a menudo, resulta difícil de descubrir.

Todas las anotaciones, marcas y otras señales en los márgenes que estén presentes en el volumen original aparecerán también en este archivo como testimonio del largo viaje que el libro ha recorrido desde el editor hasta la biblioteca y, finalmente, hasta usted.

## Normas de uso

Google se enorgullece de poder colaborar con distintas bibliotecas para digitalizar los materiales de dominio público a fin de hacerlos accesibles a todo el mundo. Los libros de dominio público son patrimonio de todos, nosotros somos sus humildes guardianes. No obstante, se trata de un trabajo caro. Por este motivo, y para poder ofrecer este recurso, hemos tomado medidas para evitar que se produzca un abuso por parte de terceros con fines comerciales, y hemos incluido restricciones técnicas sobre las solicitudes automatizadas.

Asimismo, le pedimos que:

- + *Haga un uso exclusivamente no comercial de estos archivos* Hemos diseñado la Búsqueda de libros de Google para el uso de particulares; como tal, le pedimos que utilice estos archivos con fines personales, y no comerciales.
- + *No envíe solicitudes automatizadas* Por favor, no envíe solicitudes automatizadas de ningún tipo al sistema de Google. Si está llevando a cabo una investigación sobre traducción automática, reconocimiento óptico de caracteres u otros campos para los que resulte útil disfrutar de acceso a una gran cantidad de texto, por favor, envíenos un mensaje. Fomentamos el uso de materiales de dominio público con estos propósitos y seguro que podremos ayudarle.
- + *Conserve la atribución* La filigrana de Google que verá en todos los archivos es fundamental para informar a los usuarios sobre este proyecto y ayudarles a encontrar materiales adicionales en la Búsqueda de libros de Google. Por favor, no la elimine.
- + *Manténgase siempre dentro de la legalidad* Sea cual sea el uso que haga de estos materiales, recuerde que es responsable de asegurarse de que todo lo que hace es legal. No dé por sentado que, por el hecho de que una obra se considere de dominio público para los usuarios de los Estados Unidos, lo será también para los usuarios de otros países. La legislación sobre derechos de autor varía de un país a otro, y no podemos facilitar información sobre si está permitido un uso específico de algún libro. Por favor, no suponga que la aparición de un libro en nuestro programa significa que se puede utilizar de igual manera en todo el mundo. La responsabilidad ante la infracción de los derechos de autor puede ser muy grave.

## Acerca de la Búsqueda de libros de Google

El objetivo de Google consiste en organizar información procedente de todo el mundo y hacerla accesible y útil de forma universal. El programa de Búsqueda de libros de Google ayuda a los lectores a descubrir los libros de todo el mundo a la vez que ayuda a autores y editores a llegar a nuevas audiencias. Podrá realizar búsquedas en el texto completo de este libro en la web, en la página <http://books.google.com>

IMMANUELIS WEBERI,

Jurium D. & PP.

P. R. O. O. E. M. I. U. M.  
VENTILATIONI,

DISSERTATIONIS TERTIÆ

Ad

Illustris Pufendorffii

OFFICIA

præmissum,

quò

simul

*Generosis atque Nobilissimis*

DNN. COMMILITONIBUS

JURIS NATURALIS  
& GENTIUM.

STUDIUM

majore cum ardore excolendum commendat.

---

GIESSÆ,

ANNO MDC CIII.

*Typis Müllerianis.*





Uam misera olim Jurisprudentiæ conditio fuerit, postquam revocatis ad usum Legibus Romanis ea ab hominibus rudibus planè ac imperitis tractata, id scripta veterum Jure Consultorum, si non aliundè constaret, fatis abundeque loquuntur. Destituti enim, qui interpretationem illarum susceperunt, bonarum literarum & Philosophiæ sobrioris, practicæ imprimis adminiculis, quid aliud quàm ineptissima glossata insulsissimis verbis constructa, ordine nullo cohærentia, solidâ omni ratione destituta in medium proferre, iisque Juventutem tantum non enecare potuerunt. (1) Evolventibus Accursii (2) aliorumque ad leges glossas, inspicientibus Bartoli Baldique, Azonis, Raphaelis Fulgosii, Angeli de Ubaldis, Magistri Jo.

A 2

de

(1) *Solitum est illis, inquit Anton. Mornacius, ad l. 7. C. de transact. de Doctoribus his loquens, pro unaquaque ratione multa adducere, & fluctus excitare in simpulo; columnasque fere ingentes implere, ubi vel verbum sufficeret. Congerunt de more, quod festucarium, longaque semper terenda via est, ut occurrat, quod profu. Versanda tamen eorum tamen si adipata strigosaque pagina.*

(2) *In Accursii glossis omnia sunt ita involuta & incerta, ut ex iis vix aliud quicquam intelligere possimus, quam nihil enim intellexisse. Anton. Faber, l. 1. Conject. c. 2.*

de Gradibus, Jo. Francisci à Rapi, Jacobini de S. Georgio, Raphaelis Cumani, Angli ab Arétio, Jo. de Platea, Jac. de Belviso, Hieron. Gigantis, Odofredi, Floriani de S. Petro, Lucæ de penna, Alexandri Tartagni, similibusque ad eas Summas, Apostillas, Lecturas res manifesta evadet; ut veterum etiam in Italia & Hispaniâ suo tempore illustrium, Marii Anguissolæ, Andreæ Barbatæ, Borgnini de Cavalcariis, Camilli Mellæ, Bernhardi Bombini aliorum hujus furfuris Decisiones, Consilia, grandiaque volumina taceam, è quibus si unum alterumque folium legendum sumseris, vix erit, quin nausea vertiginem, vertigo vomitum delicatioribus adsueto cibus stomacho exciter. At lumina hæc erant & toto spectata orbe Jurisprudentiæ illustrissima sidera; Quid ergo censendum de aliis, qui vel in Scholis vel in dicasteriis docendo tantum & judicando tam impuris labiis pariter & manibus Sacra Themidis tractarunt, vel potius, si, quod res est, dicendum turpissimè profus nefarièque contaminaverunt? Melius aliquanto habere coepit Jurisprudentia, ex quo seculo decimo sexto, adjuvante multum & stimulum suggerente Maximiliano, laudatissimo Imperatore, literæ hæcenus sub squalore gementes & tantum non sepultæ animam receperunt, & in amorem sui pertraxere homines quamplurimos, imprimis etiam Jurisprudentiæ operam navantes. Indè enim factum, ut subito in Galliâ pariter & Germaniâ quamplurimi prodierint, qui historiam cum Juris studio jungentes, nitidiore sermone pollentes & excultum omni literaturâ ingenium adferentes veterum sordes detestati Sacram Themidem ornatiorem comtioremque orbi sisterent, & ad simile studium alios pene & post se magis magisque excitarent. Possem hic nominare è Gallis Franc. Duarenum, Franciscum Balduinum, Andr. Alciatum, Fr. Hoto-

mannum

mannum, Adr. Tiraquellum, Guil. Budæum, Jacob Cujacium, è nostris Jo. Sichardum, Udalricum, & Jo. Udalricum Zasios, Patrem & filium, aliosque, qui magno numero his succedere; sed quid opus est, in re tam manifestâ nobisque notissima prolixitati studere? Id tantum hac occasione ad laudes Zassii JCrî, cæteris quos nominavi, meo quidem judicio omnibus merito anteferendi spectans silentio prætermittere non possum, tantam hujus Viri fuisse eruditionem, ut etiam ab Erasmo, Varrone illius temporis, maximi habitus & inprimis valdè amatus fuerit. Nam extant epistolæ partim in utriusque Operibus publicè editæ, partim etiam adhuc manuscriptæ in scriniis meis aliorumque asservatæ (1) unde liquidò constar, quo loco alter alterum habuerit. *Nihil inquit Erasmus in Epistola ad Bilibaldum Birckheimerum, (2) nihil adhuc vidi in Germaniâ quod æque sim admiratus, atque Zassii ingenium. Non est candidus in amicos, sed ipse candor. Corpore consenescit, sed vix credas, quam adhuc totus vigeat animus, nihil decessit judicio, nihil memoria. Orationem verò sic ex tempore bonis verbis bonisque sententiis, nec id sine lepore, scatentem nec in stalo quoquam adhuc animadverti. Adde huc morum verè Christianam sinceritatem. Nullus ab illius colloquio discedit non ad pietatem inflammator. Quidam qui nihil aliud sunt, quam numeri & fruges consumere nati, cornicum vivacitatem superant; hic vir prorsus est immortalitate dignus.* Et in alia ad Jo. Baumgartnerum *Ulricum Zassium, virum nominat plurimis maximisque*

A 3 dotibus

(1) Collegit & edidit plûsqvam Sexaginta Erasmi Epistolas, quæ in Opere Frobeniano non habentur, P. Scriverius, Lugduni A. MDCXV. Sed defunt adhuc quamplurimæ, in Doctorum Bibliothec extantes, quarum an copiam impetraverit, qui Lugduni novam editionem Operum Erasmiânorum adornet, dies docebit,

(2) Tom. III, L. 24. p. 833.

dotibus suspiciendam, sed haud alia tamen admirabiliorem, quam admirabili quodam animi candore erga amicos. Paulo post ita de eo: *Zasium promerentem sic multis annis amavi, ut prorsus juxta legem Pythagoricam omnia mihi cum illo duxerim communia.* Quid de JCtorum illorum veterum scribendi genere senserit ipse Zasius, patet inter alia ex quadam ejus ad Erasmum Epistolâ, quâ sibi breve & non satis meditatam scribendi genus indulgeri vult, quia in cardine obeunda *Lectiois civilis Bartolus & Baldus, caterique id genus illatini Autores auribus circumstrepent.*\* Enimverò iis, quos dixi, Viris manum operi admoventibus Jurisprudentialiores veteres paulatim exiit, quæ in sermone, quæ in methodo JCtorum sat longo obtinuerant in valuerantque tempore; sed nondum satis & ne sic quidem sufficienter humanarum disciplinarum Reginz consultum, quamdiu verum interpretandi medium & legum omnium fundamentum, imò divina illa, quæ ipsas Gentium actiones dirigit ac moderatur mensura; Jus Naturæ & Gentium puto, adhuc profundis tenebris sepultum etiam doctissimis ignorabatur. Indè apud eos etiam deprehendas licet in legibus, ubi hujus juris fit mentio, explanandis ineptissima commenta, quæ reliquæ eruditioni labem non levem adspargunt; in rationibus indagandis videas à scopo subindè longius aberrare, in interpretationibus legum obscurarum intricare sæpius mentem quam luculenter exponere, imò in non paucis antiquorum illorum navos coloribus tantum purioris alicujus eloquii incrustare animadvertas. Hæc una igitur sed magna quidem dignatio quàm Jurisprudentiæ, quò vera evaderet, non simulata, adhuc deesset, non possumus quin felicitati superioris seculi gratulemur

\* d. l. L. II. p. 33.

mur, quo demum prodiit magnus & omnis nostro elogio major Hugo Grotius, qui universalis Jurisprudentiæ distincta solidioraque fundamenta monstravit, invitavitque excellentia alia ingenia, quæ inventis alia addendo de redigendo in systema Naturæ ac Gentium Jus cogitaverunt, & felicissimè id curatissimeque præstiterunt. Palmam inter hos meretur sine dubio Illustris Pufendorfius, quo de verè dicere possumus, quod de duobus suis Martinis aliàs Theologi, unus, nimirum Samuel si non venisset, alter, scilicet Hugo vix sterisset, adeò ferè demum ex eo, quo Pufendorfius facem Grotianis prætulit, horum dignitas & existimatio Juris Naturalis magni fieri cœpit, ipsumque hoc studium in Academiis ipsis magno cum applausu passim fuit receptum. Quamvis enim non deessent homines insulsi ac rudes, qui quum dignitatem divini hujus studii præ nimio stupore non caperent, exilium inde parari Jurisprudentiæ civili audacter clamarent, seque ita non parum turpiter darent, ostendentes luculenter, in se quadrare illud: quid sui cum amaracino? & quàm ad palata eorum non sint nisi benedicti illi veterum glossatorum in agris nati cardui; magis tamen atque magis Jurisprudentia illa divina caput extulit, & non in Germania solum (1) sed & in Suecia (2) publico salario ejusdem Antecessores constituti, imò alicubi primus inter Juris Professores locus illi, qui hanc profiteretur, datûs fuerit, quemadmodum & ipsa tanquam DEUM proximè Autorem habens & è divinis dictaminibus constans, primas merito inter Jurisprudentiæ universæ disciplinas sibi partes vindicat. Sapientissimus igitur quisque suam laudem divinæ huic arti tribuit, Regesque pariter ac Principes, quicquid potuere, ad dilatan-

(1) Heidelbergæ, (2) Lundini Scanorum.



tandam illius notitiam ac insinuandam Studiosorum animis fecerunt. Non defuere summi Principum Ministri, qui optimè judicantes, quantum publicæ rei interesset, studium hoc rectè proponi inculcarique, nullum non ad id perficiendum movere lapidem. Cogitemus, ut hac vice alios taceam, magnum illud Litetatorum miraculum, Mæcenatemque sui temporis Bœneburgium: quid non ille molitus est, quæ non consilia iniit cum celeberrimis eâ ætate viris, ut studium hoc juvaret, & in Germania junctis quasi doctissimorum omnium viribus, votis & auxiliis masculè promoveret? Agnovere etiam Jcti, qui quidem ultra vulgus legulejorum atque rabularum verè sapiebant, & uno tantum non ore confessi sunt, mancam & mutilam, imò nullam esse Jurisprudentiam omnem, quæ divinis naturæ juribus non superstrueretur, & Juris-Consulti nomen cum non mereri, qui universalis illius disciplinæ fundamenta atremque probè sibi cognitam perspectamque non reddiderit. Audiamus eorum nonnullos propriis suis verbis loquentes, he forte iis, qui satis habent civiles leges degustasse, illorum autoritate abuti velle videamur. Primus autem prodeat Germaniæ Jctorum decus David Mevius, qui in præfatione prodromi seu Nuciæ Juris Nat. & Gentium ita: *Qui veram Jurisprudentiam discere atque obtinere cupiunt, à cognitione Juris Naturæ exordium capere, & in illa fundamentum scientiæ, quæ est de jure, collocare, ac inde ad sua cujusque civitatis leges noscendas intelligendasque progredi debent. Nec enim civilia jura aliud sunt, quàm Communis juris sub diversis materiis & formis ad aulas, curias, fora, judicia, domos applicatio. Taceo quod cum civili Jurisprudentiâ omnia comprehendere & formare impossibile sit, etiam qui illâ plenissimè se frui putabunt,*

bunt, tamen in plurimis iisque infinitis, quæ extra eam accidunt, se legibus suis destitui sentient; & ideo aliquod jus latius, unde aliam regulam petant aut suam suppleant, requirere opus habebunt, uti etiam, qui Romanæ Jurisprudentiæ incumbunt, sapius experiuntur. Sed quia fontes, unde defectus supplendus, non norunt, à Logicis, Ethicis, Metaphysicis, aliquando & aliis scientiis axiomata petunt, suaque faciunt, quæ inde brocardica Juris, quàm barbaro tam infausto Juri nomine appellitant. Hactenus Mevius, at quantus JCtus! cujus meditationes huic studio impensæ utinam Prodromo tandem succedentes, quemadmodum spem vivus fecit Vir summus, lucem publicam cernerent. Admittamus post hunc non minorem omnigenæ cruditiois & Juris omnis scientiæ B. Casp. Zieglerum, qui graviter in præfatione Notar. ad Grotium, utique, ait, ex tali, scilicet Naturalis Juris studiorum genere plus accedere Jurisprudentiæ certus sum, quàm ex tetricâ & spinosiore atque anxîâ Legum Romanarum contemplatione, nihil interdum ad ornandum juvandumque usum vita pertinente. Nec soleo ego in scholis meis vel Ulpiano vel Papiniano, vel ipsi denique Justiniano tam cæco assensu blandiri, ut non indentidem ad naturalia recurrere principia, & veras juris ac justitiæ causas eruere mihi integrum reservem. Et, ni fallor, seculi hac nostri labe est, quod in Academiis ad leges Romanas ita adsueseri coguntur Juvenes, ut in omni controversia, etiam ubi inter summos Principes lis vertitur, non aliunde decisionem petendam credere oporteat, quam ex Jure Romanorum & legibus isti uni Reipublica accommodatis. Fac mihi jam talem publico regimini admoveri, & de Lege condenda deliberationem institui, subnixo ille animo leges, quas didicit, ad nauseam evomet, & Romanorum instituta ut Tritonaviæ observabit,

B

nec

*nec admittet, legem novam aliter scribi &c. Adducamus denique Jcti non minus consummati doctique, quam cordati navorum communium, qui disciplinas insident, Censoris Dn. Christiani Thomasi testimonium de usu, quem tum in theoria Juris Civilis tum in praxi forensi ex Naturalis Juris adminiculo se hausisse profiteretur. Sunt autem hæc illius in Proœmiali ad Institution. Jurisprud. div. Dissertatione §. 14. 15. Percipiebam fructus uberes ex-culta tam nobilis ( de Jurisprudentiâ Naturali loquitur ) do-ctrina. Deprehendebam enim docendo potissimum, me Juris-prudentiæ Naturalis ope non ineptum adeò esse ad expediendum sine dedecore Pandectarum explicationem, etsi easdem nunquam antea integras audiendo percepissem. Etenim, ut alia taceam, quum forte leges obstantes occurrerent, tentabam in præparatione ante omnia, an ex regulis bonæ interpretationis ex Grotio & Pufendorffio haustis ipse medium conciliandi repe-rire possem; tum consulebam alios, & si ipsos mecum conveni-entes deprehenderem, confirmabar, sin dissentientes, compara-bam cum meâ expositione, vel ipsos etiam inter se, iterum eas-dem interpretationis regulas applicando, & semper præjudicium autoritatis sequestrando, sic ut nonnunquam rejicerem conci-liationem, etsi à Bachovio profectam; & adprobarem aliam etsi Mantzii. Neque in theoreticâ saltem legum interpretatio-ne adjuvabar à Jurisprudentiâ Naturali, sed & quum ad forum transtulissem pedem, ut tentarem jus ad facta singularia appli-care, majorem adhuc usum ejus esse experiebar, quum sanè tot infinitæ circumstantiarum varietates, quibus negocia hominum civilia vestiuntur, sapissimè casum forment qui vel planè non Legibus Civilibus est definitus, vel ubi plures leges diversa disponentes concurrunt, unde si principiis commu-nibus quis destituatur, & regulis extendendi & restringendi leges*

leges latas, maximo sudore, non rarò etiam frustra opus habet tot myriades Consulentium, Respondentium, Decidentium ex Germaniâ, Gallia, Italia, Hispaniâ & tòto penè terrarum orbe, evolvere, donec casum inveniatur, quod ajunt, in terminis, & periculum tamen subest, si maximè fuerit inventus, an Collegium, ad quod definitio causa pertinet, eandem cum decidente isto foveat sententiam; quò labore plusquam Herculeo supersedere facile potest, qui generalia illa & hominum cordibus inscripta fundamenta benè jecit, simul verò periculum istud non difficulter aliis mediis, de quibus jam differendi locus non est, evitare. Cui bono tam longè proceimier rogabitis fortasse, **AU- DITORES**; & Vestro id fieri respondentem me quæso accipiatis. Friguit enim etiam apud nos, si ullibi, nobilissimum illud divinæ naturalis universalisque Jurisprudentiæ studium, plerisque, ni fallor duplici eâ, de qua Mevius conqueritur, persuasione abreptis, cujus in hanc rem verba adducere non pigror, si ea audire vobis non fuerit rædio: Duplici ex persuasionè, sed erronea, inquit, Juris Consulti (addo: Juris Studiosi) Naturalis juris Studium nauseant. Prima est illorum, qui non Jurisprudentiæ, sed Ethicæ seu Philosophiæ moralis proprium ventur, quod ex solâ naturâ justum est, exponere, tanquam ad formationem morum præcipuè pertinens, ideò inter Philosophicas scientias separatim tradendum & antequam ad Studium sit progressus absolvendum. Altera ab eo, quod commendamus, studio aliena sententia est eorum, qui Gentium Juris communis cognitionem necessariam quidem esse adfentiuntur; at præ Zelo in Corpus Juris Justinianeæ huic soli tribuunt, in quò fundamenta Jurisprudentiæ locamus, inde satis ejus hauriri posse sibi imaginantur, imperitioribus persuadent. Enimverò fallitis & fallimini, ô Optimi, si eâ in hæresi vivitis, quàm tempora illa amplius non sint, ubi apud corda-

tiores ad sensum hæc talia impetrent. Dilui certè possunt ex adductis gravissimorum Jctorum effatis, & si qui plura velint, eos ad Mevium hæc etiam in præfatione Prodrumi distinctè enucleantem ablegamus. Feci ego hæctenus pro virili, ut tam perperam abjecteque de nobilissimo hoc studio sentientes ad aliam mentem revocem, & negligentiores è veterno suscitem. Testatum etiam fecerunt hæctenus aliqui erectiore mentis indole præditi Juvenes, quo in precio divinam naturalium legum prudentiam habeant, dum industriæ suæ privatæ specimina in Publico edere ipsis placuit. Prodit simili instituto & consilio in præsentē Generosissimus DN. *Christophorus Ernestus de Sommerfeld*, cujus honestis conatibus meritò adplaudimus; & optima me spes alit, fore, ut deinceps tam egregià exempla intuentes alii, quos monitos invitatosque jam humanissimè volo, ad Academiæ nostræ celebritatem, quæ ex tractatione utilium disciplinarum, Disputationumq; publicarum frequentia crescit, de suo etiam aliquid sint conlaturi, quibus ego, quantum in me & fidei & subsidii est, id omne offero atque sanctè pollicor.



*La. 10. 11*